

安徽市縣志輯

中國地方志集成

中國地方志集成

安徽市縣志輯

中國地方志集成

安徽府縣志輯 ③⑧

雍正建平縣志

民國蕪湖縣志



江蘇古籍出版社 ● 上海書店 ● 巴蜀書社

責任編輯 王劍
封面設計 范一辛
美術編輯 姜嵩

中國地方志集成

安徽府縣志輯③⑧

出版發行 江蘇古籍出版社

社址：南京市中央路一六五號

發行部電話：〇二五—三三三三、四六二

郵編：二一〇〇〇九

印刷 上海市印刷七廠

定價 二二七元

1998年4月第1版第1次印刷

ISBN 7—80519—995—7/K·474

重修蕪湖縣志序

己未之春余自參議院奉 令長皖至之日鄉之父老賢達以重修省志為請既取決議會入告中央徵款列之預算從事有日矣溯民國省制廢除府州概以五等第其大小繁簡悉屬之縣全皖得縣都六十省志之從事將按六十分治之區遠搜而近討以期會其成就如縣各有書然後省志括其大備事輕易舉且於勢甚順以是嚮之斷斷省志者類多返而為縣志是問焉當此之時縣志已成者厥惟懷甯一邑其他或待修而未經集議或議決而未經採輯則簡率相數皆半載以來各屬官紳呈狀修志者乃至二十餘縣之多繼起踵武不絕我皖之從事志書可謂專且勤矣然則省志之易舉不已有券可操哉秋冬之際余辭鮑君筱齋來襄教育行政至則援扶其所修蕪湖縣志與俱進而以質於余余以為志也者不變以志其地變以志其事與時省與縣與廣狹不異體例也國體鼎革

蕪湖縣志

序

舊志之所欽崇今或視為抵觸舊志之所忌諱今或取於昌明且科學精進日星河微探微索隱頗執乎前賢矧蕪湖通商要區大瀛重譯梯航輻輳長江巨埠皖之中堅其地視他縣為重其志較他縣為難鮑君積四五寒暑之力及鄉里諸賢之贊助復稟受庭訓以為師承詳舊志之畧正舊志之謬復舊志之無補舊志之闕極地與時事之斟酌成茲善本志凡六十卷分類十有六列目八十有九州萃郡居弗遺弗冗他日省志之修即此其權輿矣鮑君蕪湖望族世有文章昔太史公成史記譏遷濬美今鮑君為梓實成茲志蓋亦文苑之一佳譽云民國八年十二月安徽省長太湖呂調元序

蕪湖縣志序

縣各有志自明代始著令典有清因之紀述山川政事士女風俗統以府省上於戶部每數十年一舉詔直省院司檄行州縣吏延士紳纂輯僻左之區或患才難有借諸異地者或患支給難有取諸愚索者若夫通都大邑人文蔚萃率知網羅舊聞無俟政令取進止而人自為紀家自為編會勒成書更不煩費而事已集矣民國肇造夷府為縣監於明清咸宜五年冬內務部令直省續修縣志六年申前令數率之其時蕪湖人士已於四年春定議續修徵求故事具有厓略諠密以四年冬蒞任發覽檔案知為彭晉庵撰秋登諸君子所主議而鮑君筱齋任纂輯之勞也閱四載始脫稿彭撰二君與筱齋持至公廟屬諠密校理序言其端諠密學殖荒落未克多有所訂正竊念古者一書不兩序自史漢訖杜典馬考皆止於自序著其義例今之縣志筱齋所為序例已為賅當且其心足以入理力足以

蕪湖縣志

序

赴事蓋已憂憂其難矣顧令諠密附此志首詎不遺通人之請乎筱齋謂縣志所載不外生民之至計地方之風教而已守土者既躬有其責則例得有言諠密乃不得不略述其端委也昔遷史變春秋傳之例班氏以下互有損益不苟同也一邑之志特就事之所有時之遞變者而書之記曰入境問禁入國問俗能不待問而知其禁俗者惟志為實錄耳嘗見近代名志如洪北江涇縣志詳於文學李中書鳳台縣志精於水利義各有當亦不苟同也蕪湖自光緒初元立約通商華洋雜處趨利者不惜掃廬舍剽邱壘以填外人之壑荒江斷岸森列樓臺於是士女習輪船者忘禮誼風俗遷流靡知所厝政事窳敗為厲之階易曰窮則變變則通通則久君子居心處慮在一國則使其國之人心風俗而引之可久之道焉在一鄉一邑則使其鄉與邑之人心風俗而引之可久之道焉古何以厚今何以薄存茲文獻鑑古察今容有反本之望縱使從流忘反而古先之碩德懿行

有所稱述猶未至於失墜若專求諸文字間抑未也從前既堅意纂輯於商埠租界關樞尤詳於水利特慎其他學校實業諸端莫不兢兢三致意焉中間訂正之處以撰君為精審彭君雖遠通而貽書商榷之事亦夥今春方謀刊印詎密復修函編微問邑人士來局參攷始觀厥成是役也先後垂四五年彭撰兩君與役齊皆引為己事為書若干卷所費公款才四千金可謂節矣吾觀曾文正序李次青先正事略謂其有決定不移之志勇猛精進之心蓋撰述之難如此諸君子之成茲志也其心志之決定勇猛不益可見乎獨讀密尸職數載掛名蘭端徒增內疚因書以誌愧亦使此邦來哲有所考焉中華民國八年歲在己未孟冬月蕪湖縣知事湯山全館雲序

蕪湖縣志

序

二

蕪湖新修縣志序

蕪湖扼中江之衝南通宣歙北達安慶估客往來帆檣栢比皖江巨鎮莫大乎此光緒初開闢新關外商紛至輪舶雲集內外轉輸滬漢之間此為巨擘新機日開文化遂興都都彬彬人才蔚起吾家世涇川距此纔二百里鄉人憑遠斯土視等粉榆士夫往還幾忘吟域甲寅春來權茲邑下車訪舊友朋如昨公暇稽詢往事略而不詳蓋舊志距今已及百年兵燹既更典章失墜無徵之數君子盡為今團體變更乘除代價撥舊開羅散佚追往蹟而詔來茲固有司之責也適與彭君晉庵漢君秋棠亟籌新志縣公歎以謀經始規畫粗定公代購經今來都下復晤彭君為言新志已成屬誌緣起余甚樂之竊自惡念前代版官例避本省山川遙阻囑咐軍通今地近桑梓擊柝相聞從政斯邦得親舊雨新志之作輒復經始其間此其為幸為何如哉且夫志者所以紀實也所紀之事必關係地方因革使後人知其利害識所從違而後其書為有用固非馳騁文藝藻繪山川已也茲邑古稱澤國南接南繁水利械爭寔成大獄彭君言新志紀載水利特詳詳覽觀鄰莫急於是嗚乎可謂知所本矣故樂序蘭端以告來者書凡六十卷鮑君從齋寶眉厥成云民國八年歲次己未仲冬月前署蕪湖縣知事涇縣鍾奉謹序

蕪湖縣志

序

一

重修蕪湖縣志序

郡邑地志六十年例必一修通此以往則時勢變遷老成凋謝繼纂遂難
我邑自嘉慶以後垂百餘年中復更歷變幻文物蕩然於斯而網羅散佚
不其尤難者乎同治間大府檄徵通志事蹟時諸耆宿於嘉道間事猶能
及身親見不難臚舉以陳惜者志選材較畧其稿冊復不克留遺數十年
來世變滋甚典冊無徵迨民國癸丑有翻印之役俾舊籍得廣傳流亦以
冀邦人士咸有述也定不自揣竊嘉謨遠聞積之旬篋復將舊本重加
考訂庸庸然為之不己而不自知其僭焉通甲寅冬月文廟修葺事竣彭
晉庵漢秋澄兩世長力予提倡邀集發起諸公呈准 查敬吾縣長其城
鄉各紳亦均分任義務廣為搜羅定因得從事其間舉凡起例發凡選言
立義一任率爾操觚惟紛於校務未克專供厥役自殺青以至脫稿歷時
四載始獲完全成帙都共為卷六十為類十六為目八十有九原擬留待

蕪湖縣志

序

一

主纂聊資嚆矢之助乃彭漢兩公慮其曠日持久而經費之難繼也即議
以此付梓仍命定董其役並分延城鄉諸君以勸理之於是設局籌捐開
工刊印經始於春季告成於孟冬成書得三千部計費總逾萬金取之公
帑者約十之四餘皆出諸捐助我邑紳商遇有要公報捐輸恐後固非
偏僻之區所可及者雖然以定之後生未學又際此最難之會其中里滿
舛誤當所不免何足以昭示來茲蓋幸得 蕪山余公博洽精審政餘之
暇詳加披覽多所糾繩尤幸彭公晉庵得以遇事秉公秋登為之逐
類審定此外如經傳臣李華原鮑小琴吳松亭江嘉震胡雨亭周佐臣陶
篤卿吳振聲胡小堂李子壽黃鳳笙諸先生或隨時匡謬或分類參稽而
侍從 家君杖履昕夕敏問指示為多至友人關懷文獻時荷郵書賜教
獲益尤非淺鮮願亦有陳義過高撰諸事實未易遵循者竊願有以商榷
焉夫方志之與國史體制自殊若斷斷焉惟國史之執筆是趨則必可載

之事實少而可刪之類自多關中二志是也世以對山似子長五泉似孟
堅允矣然武功書僅七篇朝邑則更減為廿餘頁凡其屏棄何在非往事
之堪傳豈若尋常志乘之多所留遺哉要之志者記也所以記其事也定
不敏未敢高自撫擬是以區別性質不憚多分門類詳列故實實任貽誦
流庸務使居是邦者莫不開卷瞭然而得所參考所謂為之者恭觀之者
遠度幾區區微志焉至若以躋於古作者之林則埃諸鴻博君子湖中冠
外潤色而銘裁之非寔之謫陋所克勝任者也中華民國歲次己未孟冬
邑人鮑定謹識

蕪湖縣志

序

一

重修蕪湖縣志職員錄

總裁

余誼密 湖南 彭萃文 安徽 濮文波 秋 王

監修

鮑世明 安徽 經康杰 安徽 鮑文鏡 安徽 齊 雲 月 文 胡作霖 安徽

湯鈺泉 安徽 周弼忠 安徽 胡宗範 安徽 胡金門 安徽 洪克榮 安徽

陶冠禹 安徽 李耀榮 安徽 汪體煌 安徽 陶寶書 安徽 胡國恩 安徽

鑒訂

吳 雲 安徽 洪 銘 安徽 李 碩 安徽 江紹明 安徽 李耀琪 安徽

謝承源 安徽 甘 澤 安徽 謝聖霖 安徽 同 威 安徽 章 斌 安徽 李 燾 安徽

汪洪襄 安徽 方昭軫 安徽 謝師衡 安徽 平 胡宗瑛 安徽 徐 華 安徽 欽 安徽

黃厚生 安徽

蕪湖縣志

職員錄

發起

汪 鑫 安徽 王成功 安徽 程昭融 安徽 王燮商 安徽 程良怡 安徽

鮑文鐸 安徽 何樹德 安徽 汪宏椿 安徽 齊宗濂 安徽 蘇恩澤 安徽

周錦忠 安徽 崔 濤 安徽 王桂馨 安徽 顧民德 安徽 朱 銓 安徽

張紹元 安徽 譚東鑑 安徽 張有信 安徽 黃 藻 安徽 顧 崇 安徽 永 永 安徽

王宗祐 安徽 潘立功 安徽 陳輔廷 安徽 周志勳 安徽 舒士金 安徽

經洪培 安徽 張汝川 安徽 趙恩源 安徽 吳 鈴 安徽 張翼舉 安徽

趙億乾 安徽 何國幹 安徽

纂修

鮑 寔 安徽

審定

黃 湘 安徽 陶 稼 安徽 郭天民 安徽 談佐廷 安徽 陳克懋 安徽

陶源潤 安徽 周慶餘 安徽 陶菊英 安徽 姚定文 安徽 胡繼璜 安徽

程鴻浩 安徽 謝慎修 安徽 鮑光宇 安徽 許麟發 安徽 徐廣成 安徽

周成章 安徽 煙家繼 安徽 趙應和 安徽 程其瑞 安徽 朱 鼎 安徽

何宣猷 安徽 夏際寬 安徽 沈 潛 安徽 王有雲 安徽

纂修

經康鼎 安徽 姜志彬 安徽 陸慶祥 安徽 朱從政 安徽 張鴻壽 安徽

翟 楷 安徽 張佩宗 安徽 張捷三 安徽

採訪

甘立成 安徽 李虹曠 安徽 袁記慶 安徽 周鳳書 安徽 黃宇登 安徽

邢 銓 安徽 查冠英 安徽 葛繩祖 安徽 費孔嘉 安徽 周道統 安徽

張可鐘 安徽 王 霖 安徽 吳耀先 安徽 吳國斌 安徽 程滋林 安徽

沈波濟 安徽 相慶雲 安徽 黃大金 安徽 胡培芳 安徽 沈世柏 安徽

蕪湖縣志

職員錄

王青雲 安徽 王子修 安徽 曹學謙 安徽 曹學祥 安徽 張維藩 安徽

陶順祥 安徽 呂瑞英 安徽 陶延懋 安徽 侯文彬 安徽 周汝南 安徽

陶一清 安徽 陶 錦 安徽 王金堂 安徽 陶法登 安徽 江 斌 安徽

胡邦錦 安徽 崔傳珩 安徽 王祥珠 安徽 楊 魁 安徽 羅煥廷 安徽

王士中 安徽 許慶章 安徽 陶光燦 安徽 萬良銀 安徽 陳炳章 安徽

談佐輔 安徽 胡朝熙 安徽 吳 鏡 安徽 黃大圻 安徽 葉永勳 安徽

洪子裁 安徽 陶耀祥 安徽 吳應齡 安徽 劉振聲 安徽 孫 柏 安徽

周繼旭 安徽 李 琦 安徽 俞美士 安徽 黃九餘 安徽 袁輔忠 安徽

楊有植 安徽 蔣榮光 安徽 汪定安 安徽 陶幹廷 安徽 楊世瑛 安徽

李運聲 安徽 惲天植 安徽 胡鎮邦 安徽 李耀先 安徽 胡 芬 安徽

李宗桂 安徽 黃壽玉 安徽 俞之福 安徽 徐恒貞 安徽 陶恕人 安徽

王賜琅 安徽 許世祿 安徽 朱與齡 安徽 徐克昌 安徽 陶喬香 安徽

汪之鈞	王麟	許鴻翔	陶叔章	尚光鎮
唐棟	邢正海	甘本智	羅家樞	鄭希聖
楊文萃	郭孔昭	王緒南	張澤洪	駱品三
陳宗銀	董仲源	胡家樞	王令槐	湯孟榮
晉一香	王匡合	王翰香	胡家榮	周文淵
陳善政	朱元慎	施昌科	吳克明	胡宗亮
繆劍	熊瑞珏	張澤臨	陶鏡	程震
陳金鉅	胡寶森	袁學淵	朱稿	朱延年
余植松	吳正元	朱壽卿	陶運鉅	張國鑑
胡勉	江長春	謝大潛	陳國淦	王繼槐

蕪湖縣志

職員錄

三

凡例	一舊志與圖未能確當此次縣境總分各圖悉為更製以裨實用
	一昔人已謂州縣不當濫載星野舊志所列星宿躔度無非泛引夫地楊州丹陽諸境於蕪無當也近世測算日精星學日益發明分野之說卒咸登號然為考據詞章家所不廢因節存之附於位置之本
	一地理學家嚴石有木成火成之分其起伏大小遠近斷續又各有成脈之原理是形家發脈之說已不足憑鄙意即以發脈論河北諸山皆係當塗諸山之支委河南諸山皆係繁昌諸山所並衍
	一舊志強為聯貫至以破山之脈起為諸山尤欠理解然縣境諸山實屬奇零散漫究無法可以繫其綱領亦祇得仍依舊貫惟舊志既序其層次又復前後倒錯不依次編列於水道亦然荒謬素亂茲為卷加移順增補以便觀覽
蕪湖縣志	凡例
	一舊志創立方言一門將鄉人一切俗語引經據典考證本原先筆苦心孤詣之處正不可及惟其間有系普通稱謂不專屬於蕪湖者不詳不量為刪雜亦有流傳日久今已變易者並畧加補註不更原文以存其舊
	一凡一方風土習尚之相沿不必有條文之制定而為法律所承遵者謂之習慣法茲就安徽高等審判廳民商事習慣調查會報告頌其屬於蕪湖者附載風俗之末其有義例可通者并畧為撮引解釋以備參考
	一武功志將學校列入建置殊為輕本重廬州府志已嘗詆之我志舊志亦沿此例茲徵文獻通考作學校志惟古者廟即是學今之學堂皆名學校而又不屬於文廟即制科與學堂雖均為造士性質亦復不同因特分為上中下三卷凡文廟興廢事項列入上卷凡考試課士事項列入中卷今之教育事項則概列入下卷庶幾有條不紊

一舊志有僊事志一門他志實所罕見其將戎事列入尤為牽強今為增補事蹟作武備志分戰事兵制兩項惟改革以來雖數經兵事而民間是非未定祇得暫從闕文以俟後人續纂

一舊志有商埠海常關各項出進口稅則最與商務有關茲本實用主義特備錄之以資查考

一舊志有廟祀寺觀而無宗祠按古者自天子至於官師皆有廟大清會典於家廟之制特詳今重鬼神而忘祖考於祀義殊遠未備況我邑人民大都聚族而居親親長安土懷生實賴此以維繫之則宗祠之關係非淺鮮矣因援徽州府志例增宗祠一門亦考氏族敦本源之一助也

一名宦自應以本邑官長為限惟曾靖毅公並非地方實缺官吏而克復城池厥功最偉又無他類可以附載祇得從權列入以免至漏又益自

蕪湖縣志

凡例

二

昔為道治咸豐間如何丹畦諸公雖因兵事轉徙不常究竟例不能沒茲為一併列之

一他志各表大都既有科舉復有仕宦要知前代仕宦類皆從科舉中來以一人事跡分為兩載頗病支離若彼此互載又嫌重複我邑舊志於選舉表中備具科目及各項進身之階即隨載所任官職不另作仕宦表最得體要此次增輯自應仍遵前軌非有所缺畧也又貢監類中亦載有不由貢監考授職官者其廉貢附貢即廩庠生授官猶例出學者也此次由生員考職授官即依類附之

一舊志陸襲僅得五人且皆見於祖若父傳表中實覺重複新增亦分載於本人傳表因將此類節刪

一學堂畢業生除初辦時得有獎券與舉貢有同等效力外餘悉自高等專門起

一劉向列女傳凡分七目而節義居其一可見女子原不僅以節義為舊志似覺限此一途雖有他長僅散見於藝文志中方今女學大興人才之出何異男子茲微省志增賢淑一門惟是曠觀舊乘已屬絕無僅有然前此湮沒已久多不能不懸格以待至新增節烈貞孝凡事蹟出眾者為之立傳餘悉列表以示區別而免泛濫

一舊志藝文志專收雜體文字而於前人撰著書籍反用闕如殊失體要茲微四庫例分為經史子集將前人所著部帙依類編載其各體記序文字凡有闕事跡者即用雙行繫於本事之後以便類稽而免紛亂

一孟子謂誦詩讀書可以知人論世是詩詞亦古人文章志節之流傳不可廢也藝文志中既無別體文字未便專增詩詞茲微源縣志例列入雜錄附於卷末又舊志於各體詩類如艾維較之庫然志所載已覺難馴此次仍依其法重複釐剔更覺渣滓盡去至增遺數十首則類之人

蕪湖縣志

凡例

三

慎不敢泛收云

一志書每修一次必有序例多篇及在事諸人姓氏法之則於事實無關存之則又嫌繁重茲本婺源五河等志例刪前此關於修志事項盡為舊志源流列入志餘其文字涉及議論不關本事者並量為節之

一表之為用無非使繁者就簡散者就聚舊法大都以年為經以事為緯按事實分為數欄究竟事實之繁簡多寡不齊是以一欄之中有經數頁不著一字者不特有悖本旨抑且徒費紙幅此次所列之表祇分事實不分經緯每半頁劃為上下兩欄由上欄接至下欄依次閱看最為簡便近世新出書籍多適用之不必拘於古也

一陳公實甫謂前志徵引故實多未確然不肯徑為改易此於足為定所知者悉為考訂更正又舊志藝文志諸雜體文中陳公採取時自謂手筆之工拙不深論此次亦經定將其文久精當不關事實者盡予刪削

非欲爭勝古人亦以地方掌故不敢沿訛襲謬也又辛亥改革號稱光復國體已定五族共和此等名詞早不適用然當時公文奏牘稱述相沿遽加改易殊乖事實閱者諒諸

一此次重修發起於民國三年原議採訪斷自前清以爾時距鼎革最近即專以結束有清一代也不意流光如駛倏已八年事蹟既多變遷尤甚萬難悉予割棄因即舊續紀載至本年成書時以止

一志載事蹟經多數人採訪而來究非私人著述可比他志有以纂修人姓氏稱爲某志者殊屬非是惟述經增損亦須畧有識別方可以溯厥源流此次凡指嘉慶志處概稱舊志如康熙乾隆等志則皆冠有年號或稱前志舊志至於添註按語凡舊志已有者應遵原文爲此次所增入者則加冠今字新纂事蹟即不必加閱者自能按時而別之也

蕪湖縣志

凡例

四

蕪湖縣志目錄

地理志

輿圖 位置 星野附 沿革 山水 水江河湖港洲池塘渡

市鎮 街巷 鄉鋪 風俗 習俗附 方言

建置志

城 公署 善堂 會館 牌坊 倉廩 橋梁 井附

學校志

文廟 考課 教育

武備志

戰事 兵制 營度附

賦稅志

蠲賑 田賦 馬學田附 關稅 雜稅 捐附

蕪湖縣志

目錄

政事志

戶口 警察 國防附 司法 交通 自治

實業志

農會 物產 圩務 商會 商業

古蹟志

名勝 宅墓 碑刻 古樹

廟祀志

廟壇 寺觀 教會附 宗祠


職官志



知事 教諭 訓導 縣丞 主簿 典史 巡檢 道尹



關監督 郎丞 參將 游擊 千總 司法廳長



警察廳長 鎮守使

名宦志	選舉志	進士	舉人	貢生	薦辟	勅爵	封贈	貢監	武科	掾吏
材勇	鄉飲	優獎	畢業	議員	人物志	忠節	孝義	官績	卓行	文學
方技	流寓	仙釋	藝文志	節婦	烈婦	孝女	貞女	雜識	祥異	遺事
詩詞	志餘	燕湖縣志	目錄	二						









蕪湖縣志卷一

地理志

位置

蕪湖縣治在舊太平府治南

縣東一里五十六分北三十一度二十

分南八十里至定江鎮宣城縣界東北三十里至壩塘圩當塗縣界

北之新門河東來北為壩塘圩僅二十餘里為界西七十里至大江中

流和州界南麓施家圩對岸江中流為界又江北岸縣界處當與蕪湖

縣以清為界西南一十五里至清港河心繁昌縣界西北二十五里

至楊山當塗縣界南四十里至石硯河心南陵縣界今按凡以河流分

界北三十里至延福鄉當塗縣界東西廣四十七里南北袤七十七里

宋史食貨志載道八年戶部侍郎葉衡奏奉詔覈定太平州蕪湖縣行

國二百九十餘里通當塗縣界共四百八十里並高廣堅固水一岸

蕪湖縣志

卷一 地理志 位置

之在宋地境廣狹可以概見則蕪至舊府城陸路六十里至江甯省陸路

二百里水路二百一十里程今按長江輪船水安慶省陸路四百里水路

四百里程今按長江輪船水京師陸路二千五百九十五里水路三千六

百六十里海路二千五百零五里由天津至上海陸路二千三百三十五里由上海至天津

三千里由天津至上海陸路二千三百三十五里由上海至天津三千里

由蕪湖至漢口一千一百零七里由漢口至蕪湖一千一百零七里

京師二千四百一十八里共三千五百二十五里

附星野

史記天官書吳楚之疆侯在楚感占於鳥衡正義楚感為衡衡南方之星

故為吳楚占候也漢書天文志牽牛主吳越又云斗為吳又地理志吳

地斗分野也蔡邕月令章句起斗六度至須女一度謂之星紀吳越之

分野晉書天文志北斗七星四主吳權為斗第四星又云丹陽入斗十

六度清圖書集成職方典據漢書地理志謂太平在漢屬丹陽正當斗

分按晉史丹陽入斗十六度而宋兩朝志謂南斗六星去極一百一十
九度南斗中天鷄二星去極一百一十度入斗宿十六度半說者謂觀
天鷄二星所入之次則丹陽郡所入之度不大逕庭矣

蕪湖縣志

卷一

地理志 位置

蕪湖縣志卷二

地理志

沿革 太平三邑舊屬繁昌初皆屬壽之縣惟蕪湖則自漢即立此名為縣也今丹陽縣後復名邑或疑今之地位漢縣之舊是固無疑矣然史志不常海州縣之說有時而更山川之形古今不易漢時蕪湖中江實經邑西至陽羨入海見今地與昔不甚相遠也前志詳略因考北正史於歷代沿革之故為之俾覽者舉然於歷代沿革之故為之俾

禹貢淮海惟揚州周禮東南曰揚州書集傳揚州之域北至淮東南至於海地理今釋今江南之江甯揚州廬州安慶池州太平甯國徽州鎮江常州蘇州松江十二府滁和廣德三州鳳陽府鳳陽臨淮定遠霍邱時昭天長六縣壽州淮安府山陽鹽城二縣河南之汝甯府光山固始二縣光州湖廣之黃州府羅田蘄水廣濟黃梅四縣新州廣東之潮州府及浙江江西福建皆是也蕪湖太平府是為唐虞三代揚州之地

蕪湖縣志

卷二

地理志 沿革

左傳襄三年楚子重伐吳克鳩茲至於衡山杜注鳩茲吳邑在丹陽蕪湖縣東是蕪湖屬吳而路史國名紀則以鳩茲為廬州之舒城疑因舒城又名舒鳩而誤也漢書郡國志蕪湖下注引杜注無異又於吳郡烏程下注云或謂丹陽縣之橫山去鳩茲不遠似以今當塗之橫山為衡山蓋橫與衡本通也蓋見鳩茲之為蕪湖矣

史記周元王四年越句踐平吳以淮上地與楚歸吳所侵宋地於宋與魯泗東方百里越兵橫行於江淮之間於是蕪地屬越

越世家越伐楚威王大敗越盡取故吳地至浙江於是蕪地屬楚秦本紀始皇二十五年王翦定荆江南地二十六年分天下為三十六郡揚州為郡五蕪屬鄣郡

漢書地理志武帝元封二年改鄣郡為丹陽郡領十七縣宛陵於潛江乘春穀秣陵故鄣句容涇丹陽石城湖熟陽蕪湖勳溧陽歙宣城

後漢郡國志光武建武六年移丹陽郡治宛陵統十六城即前十七縣去宣城縣隸如故

三國吳分丹陽立新都郡黃武二年以高瑤領丹陽太守徙治蕪湖通考晉武帝平吳太康二年分置宣城郡移丹陽郡於建業領縣十一建業江甯丹陽于湖蕪湖永世溧陽江乘句容湖熟秣陵

晉志及成帝紀咸和四年僞立豫州於蕪湖以庾亮領州刺史咸康八年又以庾懌為刺史鎮蕪湖

晉志孝帝甯康二年前百姓南渡僞立上黨四縣於蕪湖

續通典安帝義熙九年移宣城郡治宛陵省陽穀入蕪湖陽穀縣故縣為南陵縣是也又省蕪湖入襄垣自是蕪湖闕

宋書志文帝元嘉九年省上黨縣入襄垣屬淮南郡按晉書地理志豫州襄垣郡統七縣首襄垣次繁昌永嘉之亂豫州淪沒石氏元帝渡江以

蕪湖縣志

卷二

地理志 沿革

二

宣城之春穀僞立襄垣郡及繁昌縣至成帝初乃僞立豫州於江淮之間居蕪湖時淮南入北又分丹陽僞立淮南郡居于湖孝武甯康二年上黨百姓南渡又僞立上黨郡為四縣寄居蕪湖尋又省上黨郡為縣又罷襄垣郡為繁昌縣並以屬淮南晉志所載如此其時于湖與蕪湖兩縣並立初不見有所謂襄垣者晉襄垣本上黨屬邑上黨凡十縣曰潞曰屯留曰壺關曰長子曰法氏曰高都曰銅鞮曰涅曰襄垣曰武鄉志所謂居蕪四縣其為襄垣未有明文而甯康以後志傳皆不及襄垣即其餘三縣亦不概見為何名此其說何居也至宋書州郡志乃謂淮南太守領縣六曰襄垣今其地本蕪湖晉末立屬上黨上黨民南過江立僞郡縣寄治蕪湖後省上黨郡為縣屬淮南文帝元嘉九年省上黨併襄垣而續通典亦謂安帝義熙九年省蕪湖入襄垣通鑑注又謂晉氏南渡以上黨襄垣遺民僞立郡縣於蕪湖是襄垣之為蕪湖無疑矣

又嘗讀范史郡國志謂前志有縣名今所不載者皆所并省也前無今
有者後所置也疑史例莫不如此蓋自義熙併省後凡史事涉蕪湖者
皆宜書襄垣而齊梁陳諸書無蕪湖者不一而足又似蕪湖未嘗省者
此又不可解也又嘗計今縣全境廣輪不及百里前代立縣方隅度亦
不甚相遠而豫州而上黨四縣皆實偏處北宋志又謂定陵今後割益
湖為境遂通令漢作通後分蕪湖為境區區百里間割併紛如蕪亦幾何
而能邑也至于湖之地係晉武帝太康二年分丹陽縣立本吳晉農校
尉治與蕪湖同隸丹陽郡至晉末蕪湖併入襄垣襄垣令與于湖又同
隸淮南郡宋志謂當塗令晉成帝立與遂道俱立為僑縣晉末分于湖
為境繁昌今本屬襄城晉亂襄城郡以此縣屬淮南割于湖為境又成
帝初僑立淮南郡居于湖後宋孝武大明六年以淮南郡併宣城徙宣
城郡治于湖是于湖始則分自丹陽繼則割於當塗又割於繁昌僑寄

蕪湖縣志

卷二

地理志 沿革

三

於淮南宣城其分析源流皆見於史而與蕪湖襄垣總無涉也杜氏通
典于湖城在姑孰城南胡三省云當塗郡屬九江郡按晉志屬淮南郡
成帝僑立于湖而綱目注亦謂于湖今當塗地通志載入當塗宜矣信
說相沿多以于湖為蕪湖其謬殊甚然晉明帝紀謂帝微行至于湖陰
察敦營壘唐溫飛卿湖陰曲宋張文潛謂史本以于湖為句陰字乃屬下句也蓋以蕪湖陰誤此作于湖曲以止其失又劉義
馬唐世說義馬形勢正作陰察耳而王敦傳乃云帝微服至蕪湖似即
以于湖為蕪湖史出一手而前後地理之不齊如此後世治以疑矣于
賈云綴片詞於殘闕訪行事於故老將使事不二迹言無異塗然後為
信者固亦前史之所病斯言諒哉

南齊志州郡多因前代唯徙置豫州北兖州北徐州梁陳則分裂不可詳
隋書志丹陽郡當塗縣舊置淮南郡文帝開皇九年廢郡併襄垣于湖與
昌即繁昌入當塗通鑑註亦云隋廢襄垣入當塗通考隋丹陽郡三縣江

當塗塗水自是于湖襄垣並闕

通考唐太宗貞觀元年因山河形便分天下為十道後又分為十五道宣
州屬江南道領縣十宣城溧水太平當塗南陵安甯國溧陽青陽
又元和郡縣志及新舊唐書並有廣德而皆不及襄垣當是併入當塗
也

通考南唐昇元中改吳之金陵府為江甯府置蕪湖銅陵繁昌三縣又以
宣州之當塗廣德池之青陽來屬續文獻通考亦云唐以蕪湖為當塗
屬鎮南唐復置蕪湖縣

通考宋太祖開寶八年平江南以廣德蕪湖繁昌屬宣州青陽銅陵屬池
州

通考太宗太平興國二年升平南軍為太平州初南唐於江甯當塗置新
平南軍以宣州之蕪湖繁昌隸焉屬江東路宋史地理志太平州縣

蕪湖縣志

卷二

地理志 沿革

四

三當塗上蕪湖中繁昌中

元史志世祖至元十四年升太平州為太平路領縣仍舊轄於江南行御
史臺

明志陞路為府屬南直隸縣隸如故清太平府隸江南安徽省布政使司
縣從之

民國元年廢道府制縣直隸省都督嗣隸省民政長後改巡按使今為省
長三年設蕪湖道尹沿清季制轄皖南二十三縣安徽縣缺制定甲乙
丙丁戊五等因蕪湖為道治首邑及通商口岸特列甲等